



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 10. De rebus Cordubensium Sociorum.

urn:nbn:de:hbz:466:1-38528

tinuâ prece, conservabat. Per Paranam navigans lodice suâ ægrum Neophytum aliquando involvit, reliquo & diuturno itinere in diurna veste fomnum ipse capiens. Nihil eo pauperius, nihil Majorum jussis obtemperantius fingi poterat. Solitabat se offerre ad despiciatissima quæque munia obeunda. Qualemcumque animi gravitatem lato ore dissimulabat, ab nullo mali remedium quærens, quam ab Summo Numine in Venerabili Sacramento delitescente. Sublato Enartio, unus Justus Vansurkius diu Itatinensis provinciæ curam gessit, donec Vincentius Badia, vir strenuus, ei opitulatum iret.

CAPUT

X.

De rebus Cordubensium Sociorum.

1638.

*Neophyti
courverso.**Neophyti
et
tinarum
inno-
centia.**Francisci
Puebla
mors.**Et
Gabrieli
Brittonu.*

E Cordubensi Collegio emissi Socii, bimestri spatio percursis ducentis leucis, editionem omnem Cordubensem Riocensibus & Esterensibus obversam excoluere, quam plurimis mortalibus omni ope destitutis per Baptismum & exhomologesim dæmoni ereptis. Inter quos notabilis fuit Barbari hominis, turpissimis sceleribus sacrilegiisque deturpati, ad meliorem vitam conversio: cui Christus somnianti se spectandum præbuit, & quod sua & Sacerdotum consilia tamdiu sprevisset, post auditas accusationes tradidit dæmonibus puniendum. Cùmque nihil propius esset, quam ut aeternum periret, ope & imploratu Angeli Custodis aliorumque Angelorum, post accepta ab infernalibus larvis multa verbera, in spem corrigendi vitam, sibi redditus est. Ne verò inane somnium putaretur, expergefactus diu sensit acceptarum plagarum dolorem: quo permotus, uno è Sacerdotibus nostris evocato, in Dei gratiam per Sacramentum rediit. Eadem in excursionione repertus centenarius Indus, qui nec ante, nec post Baptismum, actualem noxam, quæ quidem animæ lethalis esset, commiserat. Cordubæ Tucumanorum denatus est Franciscus Puebla, in agro Cordubensi quondam in Hispania natus. Ullispone pro Rege Catholico militiam olim exercuerat, & ad Chilense regnum translatus, Centurionis dignitate donatus, diu cum laude arma tractaverat: donec recusato in aliis Religiosorum Ordinibus, quem offerebant, Sacerdotis gradu, nobiliorem militiam ambiens, Societati Jesu coadjutoris sorte contentus nomen daret. Expleto tyrocinio, per plures deinde annos litteras formare pueros docuit: his exercitiis tantam adeptus Dei familiaritatem, & virtutum copiam, ut inter eximias Religiositatis viros computari mereatur. Alterum funus fuit Gabriel Britto, Villaricæ in Guaitania ante viginti-sex annos natus, de quo, præter illustres virtutes, illud singulare narratur, quod cùm Sacerdotium, litteris utcumque excultus, adire in Societate posset, post aliquot Religionis annos infimis precibus inter coadjutores temporales mereri impetravit.

CAPUT

XI.

Varie excursiones per Tucumaniam factæ.

*Barbara
gentu
mors.*

E RIOCENSI Collegio ad Indos Pasipamæ vallis incolas, proximè elapsis annis rebelles, sed jam Hispanorum virtute domitos, fructuosè excursus est. Inde Socii gradum fecêre ad excolendos septem Barbarorum pagos, Londinensi nuper reædificatæ urbi subcensitos: collectaque non contemnendâ animarum messe, ad barbarissimam nationem penetravêre, nullo planè proventu: nam gens quotidianâ ebrietate ac superstitionibus ad insaniam corrupta, sanis consiliis nullum locum dare voluit. Solent hi homines (ut etiam antiqua Roma in hac Barbarie præficas suas agnoscat) conducere Indas mortuorum suorum laudatrices. Dæfunctorum oculos non claudunt, sed aperiunt, persuasi mortuos indigere oculis apertis, ne aberrent in via, quâ ad alteram terram deliciis affluentem pergant. Eodem ducti errore, electissimam eorum supellectilem, & ciborum affatim, propè cadaver collocant, ornatumque vestibus non sepeliunt; sed super terram eminenti in sarcophago componunt. Recenti ferarum sanguine ad fecunditatem impetrandam nascentes fruges superstiosè aspergunt. Ariolorum suavis autumant se statim morituros, si nostros Sacerdotes audierint: quare ab iis, tanquàm à præsentis veneno, cùm abhorreant, non mirandum est nostros Patres eò delatos nullum fructum percepisse. Sancti Michaëlis Socii peste afflatis, spreto vitæ periculo, salubriter adtuere: & ad remota loca excurrentes, magnam utilitatem percipere. Solito more, Esterensis Collegii sacri piscatores ex fluminibus Salso & Dulci multos homines, jacto Sacra-

mentororum